

續修陝西省通志稿

第六十二冊

卷一百廿至一百廿三

續修陝西通志稿卷一百二十

人物四十七

列女二十

商州

趙貞女幼字文童李化未歸化卒女聞訃往奠即於柩前理粧誓不他適事翁姑盡孝親操井臼勞瘁不辭終其身如一日

採訪冊

劉貞女幼字陳三英未于歸三英卒女赴墓挽髻易服哭盡哀至其家拜舅姑將終身焉衆勸之嫁以死誓郡人王學淳有劉貞女傳及詩

唐氏生員牛廷琇妻年二十夫亡氏斷髮割耳以死自矢苦節四十年

申氏韓某妻于歸後家貧恃十指以供朝夕夫某比匪不事正業

氏勸之輒怒卒不能改其行一日氏哭泣嗚咽自經死郡人王學遜作韓娘行以吊之

孫氏洪某妻夫歿家人勸嫁不從且起爭端氏受傷死

鄧氏郭秉信妻孔氏郭秉桓妻均以教匪迫脅墜崖死

張烈女存落年十七字南某子不日于歸南惑陳某言謂女與人有私欲悔婚女父母悉知其誣憤極誓與陳周旋以白女冤女勸止俟親就寢懷刃赴陳居刺喉死

楊貞女幼字翁有璽子未歸有璽卒女求兄子爲嗣孝事翁姑家貧守志至老彌堅

張貞女幼字童生王發隆未歸發隆卒女矢志守貞戚友勸之不能奪竟適夫家以終厥身

趙烈女趙富有之女年十九未嫁同治元年三月匪入境全家避

難南溝女見賊勢徧山谷恐爲所辱先自縊同時趙延靖之女爲賊所執欲辱之女以手扼賊喉罵不絕口賊怒挖其目罵益厲乃割其舌死

牛氏陳重新妻同治元年賊匪入境氏攜二子逃遇賊被執不屈並二子投井死祝氏劉永茂妻匪至被執義不受辱大罵賊怒挖目刖足以死李氏李世清妻匪至以子啞未逃賊縛其子氏怒罵被利刃刺腹死劉氏趙萬鰲妻匪至氏與女滿娃被執賊欲擄其女氏情急大罵母女同遇害王氏彭忠有妻匪至被執氏恐受污乘閒抱幼女投井死趙氏劉榮德妻屈氏縣丞羅光耀妻陳氏黃爲妻張氏趙連銓妻屈氏羅爲錦妻史氏劉中漢妻靳氏張登寬妻賀氏劉彥瑞妻王氏楊繼中妻王氏曹祖益妻張氏祖益子振德妻馬氏德崇妻劉氏趙邦秀妻范氏邦秀子本立妻程氏賈懷

傑子媳王氏張氏均以賊匪破砦墜崖死

並鄉志

李氏尹光燦妻年十七夫故氏悲痛不食死吳氏程永成妻年二十七夫故氏仰藥死

史氏修職郎張慶黻側室年十八歸慶黻慶黻病氏割股和藥以進及歿檢點衣棺親視含殮至夜仰藥死

田氏呂星平妻識文字明大義年二十遘世變匪執欲辱之氏罵不絕口匪嚇以刀鋸毫無懼色罵愈厲遂遇害

唐氏郭長炳妻年二十三夫故子幼氏堅貞自矢教子成立民國三年二月白狼入境氏率家人避賊山洞中洞破子與孫遇難氏憤罵亦被害時年八十有二

吳氏張炳璋妻年十六于歸次年夫家與楊某爭地起釁楊遂造惡言於氏氏憤極投井死

閻氏庠生孔齊聖妻年二十六夫故子尚幼翁以癰疾臥床氏除穢滌溺八年如一日歿後喪葬盡禮孤亦成立李氏王者聘妻年十九孀居無子姑早逝翁患痿疾氏事如生父孝敬異常撫螟子尤為慈愛均如例旌獎

並採訪冊

附節孝及殉難婦女姓名

童武生	徐建鼎	邵重臣	劉氏	儒童	白聯生	邵全周	臣妻	張懷義	王曰楊	陳良氏
友章妻	鳳氏	儒童	楊爾璉	妻張氏	荷氏	魏廷棟	妻徵張	劉氏	賈景星	程王楊
唐章妻	鳳氏	儒童	楊爾璉	妻張氏	荷氏	魏廷棟	妻徵張	劉氏	賈景星	程王楊
世權妻	張氏	崔萬選	瑚妻	趙氏	魚永潔	妻張氏	郭連安	妻李氏	太劉	
牛學明	屈壯氏	李閻維	益玉京	母周氏	廷美忠	臣妻	李生陳	瑞圖	李氏	白氏
氏淡廷	武直妻	晏王景	仲張直	邵殼氏	姚禮處	士陳域	凝才妻	董張氏	雷廉	雅太
明妻	屈氏	趙太可	妻徐氏	曹化雨	妻馬氏	曹繼德	純妻	周氏	劉王	毓心
端妻	張氏	存兒	妻于氏	冀生明	妻陳氏	井德繼	清妻	惠周	氏劉	毓心
德妻	董氏	宋魁	妻劉氏	魏仲海	妻白氏	羅彥榮	妻周氏	羅氏	彥榮	魚傑

登仕妻郭淡氏劉崇元張樹芬妻彭長慶妻劉邵芾妻趙景春妻許	文童妻魏景灝妻天祐妻孫氏榮處士劉毓貴妻崔金煥妻永琳妻劉齊氏	太妻趙氏彭鏡生信妻田殿氏文童妻趙積功妻王氏彭鏡清妻劉自氏	祥妻周氏處士梁興有氏妻張萬氏貢生周繼錦妻賀氏武舉孫繼	張世惠妻劉陳氏宋鼎璵妻武屈氏楊知屈閻氏劉增氏陳學廉王妻	繼烈妻周炳賀元英妻杜邦順妻羅萬善妻李周應從南九品井	冉崇高妻陳氏從九品張勉生妻姚氏廩生徐晉泰妻李氏閔	程登生郭禮氏唐妻任高玉劉榮妻冀氏周州不同楨妻尚賢妻嚴士馮煥	第 縣志並
----------------------------	-------------------------------	------------------------------	----------------------------	-----------------------------	---------------------------	--------------------------	-------------------------------	-------

鎮安縣

李氏生員劉希晏妻年二十一夫亡氏矢志守節善事翁姑撫遺孤入武庠因夫死哭泣失明鄉里稱為盲節婦

劉氏年十九夫亡家赤貧遺孤尚在襁褓家人欲奪其志逼令再
醮氏堅持不允常懷利刃以自衛人不敢強苦節五十餘年以終
李氏但建祿妻年二十八夫亡遺二子尚幼家道中落氏節衣縮
食勤儉治家不數年宿逋俱清長子名列成均

夏蕭氏年二十四夫亡姑悍而瞽氏曲盡孝敬不聞閒言嚴氏戴
興妻年二十二夫亡家綦貧翁患癱疾氏操女紅以資事養親歿
喪葬盡禮撫孤成立

李氏劉啟才妻年二十夫歿翁姑欲奪其志氏忿服毒死徐氏宋
盛璠妻子歸後不得志於翁姑夫歿翁姑逼之嫁氏之死靡他事
親尤克盡孝敬

楊氏陳壽清妻同治元年口匪竄鎮安壽清死難子亦被擄時氏
年二十八貞白自持誓不再嫁戶族欲奪其志以死示之其後子

歸由行伍官至遊擊人咸謂爲節孝之報

王氏陳豐甲妻同治元年口匪至鎮安氏墜崖死而復蘇遂成廢疾後見夫病危躍池死郭氏王宏義妻夫亡矢志守貞同治元年爲匪所擄欲污之不從賊斷其臂死王書妻關氏王唐氏俱於同治元年爲賊所執不屈死

杜氏陳世益妻同治二年二月川匪藍二順至鎮安氏被擄不屈遂及於難董氏李金玉妻姜氏熊文斗妻俱於是年七月爲川匪擄去投崖死

劉氏同治元年夫死於難二年賊至氏被執於王家溝欲辱不從殺之頭已落而尸不殭乳兒猶在抱見者莫不流涕

白氏貢生唐宇東妻年三十五夫亡氏慟極仰藥以殉家人急救之幸未死卒以節終

黃氏廩生黃于棣女于歸郝某孝事翁姑姑病割股和藥以愈親疾何氏廩生沈麟翔妻晏氏石玉成妻齊氏武生湯維烈妻俱割股奉親捨身全孝鄉里稱之

李氏徐新煥母年二十八夫故家貧無子柏舟自矢以堂姪煥新爲嗣教養兼施卒至成立姑患癱疾氏負之出入三年無間尤爲難得

王孝女附生王蘭女純孝性成以母瞽鮮兄弟矢志不嫁服勞奉養必悅親心年四十母卒營葬畢端坐而逝

汪劉氏盧汪氏汪陳氏汪柳氏汪李氏汪盧氏汪大女盧翠女汪盧氏汪彩平汪小女汪玉成俱於宣統三年冬輦鴻儀糾匪破寨死節

附節孝及殉難婦女姓名

楊氏	江氏	汪氏	馬氏	鼎氏	正氏	成氏	宗氏	麟氏	年氏	黃氏	倪氏	白氏	王氏	蔣氏	氏	氏
妻陳	妻洪	光生	高朗	羅氏	妻丁	妻馬	妻曹	妻李	母李	恩耀	董初	文昇	惠進	趙彥	氏	氏
王慶	氏孟	炳生	氏附	氏生	氏張	氏曹	氏劉	氏馬	氏盧	妻正	庭妻	妻方	妻陳	林貢	氏	氏
孟妻	公陳	朱氏	汪增	光生	必光	榮林	師瑞	昌徽	國華	汪王	氏倪	徐秀	顏明	楊樹	氏	氏
義氏	生員	程張	照黨	迪生	妻余	妻張	陳田	氏齊	良妻	光氏	王達	楠妻	強妻	徐榮	氏	氏
妻陳	氏宋	天爵	妻康	哲氏	吳氏	鄔氏	洪扶	善上	劉齊	前監	信妻	鄒氏	范氏	吳孫	陳曹	氏
增泌	生妻	秋養	張氏	增氏	登正	科倫	善上	妻姜	洪扶	女生	武生	張元	亨文	徐子	徐仕	氏
康張	猷氏	程正	汪黨	恭生	余黨	氏氏	氏氏	羅氏	羅氏	蔡志	盧剛	學妻	汪貴	氏監	艾氏	氏
妻增	王生	劉生	容妻	陳文	氏氏	董福	斌甲	妻宋	氏氏	劉張	清志	象寬	妻王	氏汪	氏	氏
監靖	生折	康妻	應劉	元氏	妻行	氏張	朝玉	朝玉	朝玉	氏張	氏張	氏張	氏張	氏張	氏張	氏張
氏張	氏張	氏張	氏張	氏張	氏張	氏張	氏張	氏張	氏張	氏張	氏張	氏張	氏張	氏張	氏張	氏張

雒南

趙氏廩生冀建唐妻年二十九夫歿矢志撫孤已授室生子孤又歿與媳劉氏熒熒相依艱苦備嘗撫孫帝畿入庠食廩餼氏之初歸也時山寇餘氛未熄一日歸甯適寇至氏急抱幼女出被賊逼不從賊怒以利刃斫其面血淋淋仆地賊去救始蘇其堅貞如此蓋其至姓過人故卒以節終邑令范理榜其門

路氏羅保業妻農家女頗識大義保業病篤氏密以死自誓夫亡慟絕復甦水漿不入於口姑與母敦慰之氏爲一食粥隨以櫛沐給姑整衣裙投環於柩側

張氏王棟妻年二十二夫亡守節歲餘舅姑相繼歿不兩月子殤復撫兄子玉又夭折氏曰所以不死者爲後嗣計耳今二子死何以生爲乃自縊死

王氏劉略妻初隨夫侍舅姑就食湖北舅姑歿寄瘞旅次歲餘夫

病扶之歸既而夫歿氏曰舅姑旅櫬未回心能安乎乃攜子乞行往返千餘里負骨歸葬何氏白印麟妻孝事翁姑印麟歿翁姑年俱逾八十而子幼家貧如洗氏奉養無缺姑病滌除污穢日必數起毫無愠色時人賢之

維南志

冀氏郭秀理妻冀氏張蘭妻俱凜從一之義以身殉夫譚氏劉熊兒妻夫歿痛哭不食仰藥死

周氏周成宗妻幼失恃怙歸周爲童養媳年十七成婚次年成宗病廢耕作其翁欲謀另賣誘宿奸媒劉印堂家氏偵知不言結葛繩自縊死知縣王森文撰文以記其事

楊氏廩生余長齡妻性貞靜于歸後琴瑟靜好事翁姑克諧以孝長齡患咯血氏憂之曰君如不起妾當從君長齡溫語解之未幾長齡卒氏絕飲食屢瀕於危家人多方勸慰氏亦強自支持比長

齡窆棺屬壙竟投環死

何氏郭振家妻振家因訟抑勒死氏訴之冀白其冤奈歷訴均不得直時目已失明夫葬遂仰藥以殉年二十有七邑人陳綬爲歌行以記其事

孫烈女孫世連少女幼字劉某子將及笄其父謂曰劉某愚且貧我將爲兒另覓佳婿女聞之不悅後偵知另許於某富室遂泣然出涕曰我劉氏媳誰不知者今若此縱富貴何面目視息人間哭竟日墜崖死

應貞女明姑州同職銜應珩第三女幼字袁姓未婚袁子歿年及笄珩爲仇家構陷繫獄死女慟甚勸母鳴冤誓不再適且爲之經理家務及父冤伸母勸之嫁女曰母老弟幼兒去將誰依卒不從迨母病歿女亦不食死時年三十六

程氏雷運太妻于歸後無出視妾子如親生夫病篤氏謂妾曰好事翁姑善撫若子余將從夫地下矣及運太歿自經死

章氏張正印妻正印客死於外遺子甫三歲貧無立錫氏攜子寄食母家母勸其再醮不從迫之氏奮然去乞食度日後傭工於某富室先後十餘年志不少挫迨子成立始辭歸

馬氏陳九江妻于歸後不得志於姑九江死家貧無子姑老多病氏孝事惟謹姑感悟相依爲命戚族中間有言其姑之虐待者氏每曰少年我實不才姑教之耳未常虐也姑歿喪葬盡禮尋亦以病卒

雷氏齊克諧妻克諧兄弟五人諧最幼氏年十七于歸時兄弟皆析爨諧依父母以居越一年諧亡子女俱無兄四人莫肯顧氏慨然曰兄所以不顧者以父母愛少子耳今不幸夭逝親將誰依遂

矢志不再適奉親以終

何氏貢生嚴正妾年二十八正歿子德餘尙在襁抱妻劉氏悍妬強使再醮氏不從至以漆毀其面一日氏他出劉伺隙抱德餘投之井遇救獲免鄉里皆爲不平氏惟暗自涕泣始終隱忍弗與較卒撫孤成立遂厥初衷

何氏楊步鰲妻年二十五夫亡姑老子女俱幼氏矢志守節孝慈兼至同治元年匪竄維氏扶姑及子女避山中先負姑嶺上及下二子已爲賊擄去姑泣曰我累汝矣氏曰二子存亡有命母勿憂姑卒得以無恙後二子果乘間歸人以爲節孝之報

郭氏周之楨妻光緒丁丑歲大稜翁姑在堂乏食用氏母家本素封一日招氏歸寧氏念我不往父必不忍我死乃對來使曰我家無升斗糧行將斃余寧隨翁姑死不願獨生父聞之果餽粟至全

續陝西通志 卷一百二十一
家賴以無恙後二年歲豐始歸省

張氏楊庚儒繼室年十七于歸越二年庚儒死家赤貧翁姑在堂前室子又呱呱於襁抱中氏乃節哀忍痛身任事畜晝耕夜織以供堂上甘旨翁姑歿葬之以禮撫孤愛逾所生見者咸不知其爲繼母焉

齊氏曲底村李某妻宣統三年九月民軍興維匪乘機起匪首洪升盤鋸曲底寺迫李入黨李懦不能抗氏憤極攜子女投河死

樊氏張三娃妻美風姿年十八歸張一日早氏舂米於鄰巷突遇無賴挑戲之氏憤罵歸自縊死

吳氏黃俊傑妻年二十三夫亡子甫六月時翁姑在堂每念弱媳幼孫淚涔涔下氏恐傷垂暮心輒譬解以慰之及獨處則泣涕如雨翁病篤醫藥罔效氏暗割股以進家人咸莫之知迨子成立始